



Vischnaunca  
**Tujetsch**

**Lescha davart l'economisaziun dils rumians  
dalla vischnaunca da Tujetsch**

**Approbada entras la radunanza da vischnaunca ils 27 da settember 2023  
Vigur: 1. da schaner 2024**

## Cuntegn

### A. Determinaziuns generalas

- Art. 1 Validitat
- Art. 2 Principis fundamentals
- Art. 3 Equalitat dallas schlatteinas
- Art. 4 Pensum dalla Regiun Surselva
- Art. 5 Pensum dalla vischernaunca

### B. Definiziun dils rumians

- Art. 6 Rumians da casa
- Art. 7 Rumians da menaschi
- Art. 8 Rumians blocconts da gronda dimensiun
- Art. 9 Rumians da bagheggiar
- Art. 10 Rumians specials

### C. Organisaziun e dismessa

#### I. Organisaziun

- Art. 11 Responsabladad
- Art. 12 Posts da rimnada
- Art. 13 Principis dalla dismessa

#### II. Dismessa dils rumians da casa e commerci

- Art. 14 Obligaziun ed organisaziun
- Art. 15 Repartiziun dils cuosts
- Art. 16 Taxa fundamentala
- Art. 17 Fixaziun dalla taxa fundamentala
- Art. 18 Taxa sil quantum
- Art. 19 Edifecis e menaschis ordeifer la zona da bagheggiar

#### III. Restonzas da baghetgs e material da scavament

- Art. 20 Sortida dils rumians sin il pazzal da bagheggiar
- Art. 21 Material buca tschuffergnau
- Art. 22 Material da baghetgs
- Art. 23 Cuosts

#### IV. Material cumpostabel e curdems da cuschina

- Art. 24 Curdems da cuschina
- Art. 25 Material cumpostabel

**V. Dismessa da cadavers e curdems da mezca**

- Art. 26 Principi
- Art. 27 Cadavers sut 70 kg
- Art. 28 Cadavers sur 70 kg

**VI. Vehichels, metals e curdems electronics**

- Art. 29 Vehichels e restonzas
- Art. 30 Metals e curdems electronics

**VII. Cass specials**

- Art. 31 Medicaments, tassis e colur

**D. Determinaziun finalas**

- Art. 32 Quen ulivau
- Art. 33 Responsabladad
- Art. 34 Prescripcziuns penals
- Art. 35 Regress
- Art. 36 Mieds legals
- Art. 37 Vigur
- Art. 38 Dissoluziun dil dretg vertent

## A. Determinaziuns generalas

### Art. 1

Validitat	La lescha regla l'entira economisaziun dils rumians cun la finamira da schurmegiar carstgauns, fauna e flora, sco era da mantener igl ambient. Ella vala per igl entir territori dalla vischernaunca da Tujetsch e cumpletecha las prescripcions federalas, cantunalas e regionalas.
-----------	--

### Art. 2

Principis fundamentals	Mintgin ei obligaus da restrenscher la producziun da rumien sin il pli necessari.  Per prevegnir a cuosts buca necessaris duei mintgin reutilisar e compostar ses curdems tenor pusseivladad egl agen menaschi respectiv tenercasa.
------------------------	---

### Art. 3

Equalitat dallas schlatteinas	Las indicaziuns davart persunas, las funcziuns e las professiuns en quella lescha serefereschan da principi ad omisduas schlatteinas, aschilunsch ch'ei seresulta buca enzatgei auter ord il senn dalla lescha.
-------------------------------	---

### Art. 4

Pensum dalla Regiun Surselva	La Regiun Surselva (corporaziun) ei enteifer sia regiun responsabla per ina dismessa adattada dils rumians che risguarda las prescripcions cantunalas e federalas e schanegia igl ambient.  La corporaziun organisescha la rinnada sco era il deposit resp. il barschament dils rumians.  La repartizion dils cuosts per ils indrezs ed il survetsch per la dismessa regiunala da rumians (rinnada, deponia resp. barschar) vegnan reparti tenor il principi dil caschunader (taxa da sac) e tenor ina clav generala per l'ulivazion dils cuosts.
------------------------------	---

### Art. 5

Pensum dalla vischernaunca	La vischernaunca da Tujetsch separticipescha alla dismessa regiunala da rumians dalla corporaziun tenor ordinaziun da quella.
----------------------------	---

La vischernaunca da Tujetsch ei responsabla per la dismessa dils rumians che vegnan buca rimnai directamein dalla corporaziun.

Per quei motiv organisescha ella sezza ni en collaboraziun cun organisaziuns ed interpresas specialisadas la rimnada, il deponer ed ev. era il tractament dils rumians che vegnan buca rimnai directamein dalla corporaziun.

## B. Definiziun dils rumians

### Art. 6

Rumians da casa Rumians da casa ein tals che crodan en in tenercasa, respectiv rumians da semeglionta cumposiziun.

Sco tals rumians vegnan definai:

- a) Rumien che sa vegrir barschaus, respectiv tractaus tenor las prescripziuns dalla TVA (Technische Verordnung für Abfälle) e che sa buca vegrir reutilisaus;
- b) Rumien bloccont da pintga dimensiun il qual sa buca vegrir pachetaus eifer ils pachetadis prescrets;
- c) Rumians separai ils quals san vegrir reutilisai entiramein ni era parzialmein ni che ston vegrir tractai a moda speciala;
- d) Curdems che vegnan cumpostai, ils quals derivan ord cuschina, iert e curtin sco era ord la tratga d'animals da casa (buca agricultura).

### Art. 7

Rumians da menaschi Rumians che derivan ord menaschis da commerci, mistregn, survetsch e da turissem, aschinavon ch'els corrispundan arisguard lur cumposiziun e dimensiun agl artechel 6 (rumians da casa) da questa lescha, ston buca vegrni declarai sco rumians specials. Il medem vala era per ils rumians ord menaschis d'agricultura sco era ord menaschis forestals, aschinavon ch'els ein buca cumpostabels.

### Art. 8

Rumians blocconts da gronda dimensiun Rumians blocconts da gronda dimensiun ein tut quels rumians che crodan els habitadis sco era menaschis, ils quals san muort lur dimensiun buca vegrir dismess cun il transport ordinari da rumians. Per la rimnada da quels rumians ha la vischernaunca eregiu la deponia a Prau Cumin.

## **Art. 9**

- |                      |  |
|----------------------|--|
| Rumians da baghegiar | Rumians sin pazzals da baghegiar ein:<br>a) Material buca tschuffergnaus, sco tratsch, crappa e grep, il qual sa vegrn utilisaus senza restricziuns respectiv vegrn deponius sin ina deponia da material lubida.<br>b) Restonzas da baghetg las qualas san vegrn reutilisadas respectiv deponidas sin ina deponia per materials (Innertstoffdeponie).<br>c) Rumians blocconts da baghetgs sco auters rumians, ils quals corrispundan buca allas sura categorias, che ston vegrn sorti per ch'ei sappien vegni reutilisai, tractai u deponi/barschai en in implot corrispudent. |
|----------------------|--|

## **Art. 10**

- |                  |   |
|------------------|---|
| Rumians specials | Rumians specials ein rumians, ch'ein suttamess alla lescha per il traffic cun rumians specials. Quei ein denter autor:<br>- curdem da cushima per menaschis gronds;<br>- tissis;<br>- vehichels e restonzas da vehichels;<br>- rumien electronic. |
|------------------|---|

# **C. Organisaziun e dismessa**

## **I. Organisaziun**

### **Art. 11**

- |                |   |
|----------------|---|
| Responsabladad | La responsabladad per l'economisaziun dils rumians schai tier la suprastanza communalia.<br><br>La suprastanza communalia sa incaricar igl uffeci da baghegiar cun la cussegliazun ed organisaziun dalla dismessa e reutilisaziun dils rumians. |
|----------------|---|

### **Art. 12**

- |                  |   |
|------------------|---|
| Posts da rinnada | Ils posts da rinnada vegnan fixai entras la suprastanza communalia en collaboraziun cun ils organs dalla Regiun Surselva. |
|------------------|---|

Els uclauns nua ch'igl access cun il camiun da rimnada ei buca pusseivels, procura la vischnaunca il transport entochen il proxim post da rimnada.

La vischnaunca procura per ina plazza per rimnar e sortir rumians bloccants da gronda dimensiun sco per ulteriurs curdems ils quals san vegin reutilisai.

### **Art. 13**

Principis dalla dismessa Igl ei scumandau da barschar rumians en pegas e cheminées sco era el liber. Il spazzatgamin ei obligaus d'annunziar allas instanzas cumpetentas surpassaments.

Plinavon eis ei scumandau da dismetter rumians e curdems da cuschina en la canalisaziun e da deponer curdems e restonzas da tut gener ordeifer las deponias fixadas.

## **II. Dismessa dils rumians da casa e commerci**

### **Art. 14**

Obligaziun ed organisaziun Tuts rumians tenor artechel 6 a (rumians da casa) e 7 (rumians da menaschi) da questa lescha ston vegin dismess conform allas prescripziuns federalas, cantunalas e dalla Regiun Surselva. Il transport e la dismessa succedan sin basa regiunala entra la Regiun Surselva. Ils cuosts per quei survetsch vegin mess a quen entra la Regiun Surselva.

La vischnaunca procura per la dismessa dils rumians bloccants, resp. dils rumians reutilisabels. Igl ei buca lubiu da deponer rumians, ils quals la Regiun Surselva rimna, sin la deponia communal.

Ils cuosts per quei survetsch vegin mess a quen entra la vischnaunca tenor in regulativ da taxas communal.

La suprastonza communal ei autorisada d'incaricar fatschentas specialisadas cun la reutilisaziun da rumians specials. Ella incassescha persuenter las taxas corrispondentes.

### **Art. 15**

Repartizion dils cuosts Ils cuosts per la dismessa dils rumians vegin finanziai entra ils caschunaders.

La finanziaziun dalla dismessa succeda entras ina taxa fundamentala ed ina taxa sin fundament dil quantum. La taxa fundamentala ei da pagar entras il proprietari dil baghetg.

Per rumians specials vegn incassau ina taxa che sto cuvierer ils cuosts per la dismessa.

Tuttas taxas fixadas sin fundament da questa lescha, vegnan fixadas exclusiv la taglia sin pli valeta.

## **Art. 16**

Taxa fundamentala

Sco basa da calculaziun dalla taxa fundamentala surveschan ils suandonts indicaturs:

- a) La taxa fundamentala dalla Regiun Surselva;
- b) Ils cuosts per la construcziun, ils indrezs sco era il manteniment che occuoran alla vischnaunca: per ils posts da rimnada e per la deponia da rumians reutilisabels.

## **Art. 17**

Fixaziun dalla taxa fundamentala

La taxa fundamentala vegn incassada en fuorma d'ina pauschala sin fundament dalla summa da schazetg dil baghetg. Ella semova denter 0.05 e 0.10 promils dalla summa da schazetg augmentada (multiplicada cul factur da transport analog alla taxa fundamentala dalla Regiun Surselva).

Ella vegn incassada:

- a) per mintga casada, habitaziun ni appartement
- b) per tegias da vacanzas e tegias d'alp
- c) per mintga menaschi privat e public
- d) per ils baghetgs communals

Debitur dalla taxa fundamentala ei tgi che ei igl 1. da schaner proprietari, cumproprietari, proprietari communabel ni en condomini, sco era retschevider da dretg da baghegiar. Tier relaziuns da cumproprietad e proprietad cumpleina tonscha ei da tarmetter il quen ad in dils cumproprietaris communabels. Il quen per proprietaris en condomini vegn tschentaus al representant ni all'administraziun. In eventual adossament dalla taxa fundamentala ei caussa dils proprietaris dil schischom. La taxa fundamentala vegn fixada, independentamein dil temps ch'igl edifeci, resp. menaschi vegn duvraus e dil diember dallas persunas.

La radunanza da vischernaunca fixescha la taxa fundamentala en in regulativ da taxas.

### **Art. 18**

Taxa sil quantum Las taxas sil quantum per ils rumians blocconts ni reutilisables ston veginir pagadas entras ils utilisaders dalla piazza da rimnada, resp. la deponia da rumians blocconts.

La radunanza da vischernaunca fixescha las taxas sin quantum en in regulativ da taxas.

### **Art. 19**

Edifecis e menaschis ordeifer la zona da bagheggiar Edifecis habitai permanent u transitoricamein sco era menaschis che secatan ordeifer la zona da bagheggiar, tegias da vacanzas etc. ein medemamein obligai da dismetter ils rumians tenor las prescripziuns e da deponer els en in liug da rimnada ufficial. Ils cuosts entochen al post da rimnada han ils proprietaris dils edifecis pertuccai da surprender.

## **III. Restonzas da baghetgs e material da scavament**

### **Art. 20**

Sortida dils rumians sin il pazzal da bagheggiar Tier la construcziun respectiv la sanaziun da mintga edifeci da construcziun aulta sco bassa ein ils rumians da sortir e da dismetter separadamein.

### **Art. 21**

Material buca tschuffergnau sco tratsch, crappa e grep sto veginir reutilisaus tenor las directivas da Confederaziun e Cantun.

Material schuber (p. ex. material da scavament) che sa buca veginir reutilisaus sil baghetg, astga veginir deponius sin ina deponia da material.

### **Art. 22**

Material da baghetgs Material che deriva da sanaziuns da baghetgs e restonzas da bagheggiar, sto veginir rimnaus separadamein e reutilisaus tenor pusseivladad.

Restonzas che san buca vegnir reutilisadas ston vegnir deponidas ella deponia dalla Regiun Surselva, respectiv barschadas en implont da barschar rumien.

Igl ei scumandau da barschar restonzas da baghetgs.

### **Art. 23**

Cuosts Per endrizzar e mantener las deponias per material schuber, sco era per transportar tratsch e material da scavament sin vias publicas incassescha la vischnaunca ina taxa fixada el regulativ da taxas.

La taxa ei da pagar entras il furnitur dil material. Il furnitur ei obligaus d'indicar immediat il quantum material transportau e deponiu.

## **IV. Material cumpostabel e curdems da cuschina**

### **Art. 24**

Curdems da cuschina La vischnaunca possibilitescha la dismessa dils curdems da cuschina ord menaschis da restauraziun, cantinas e da tal gener.

Ils cuosts che occuoran ein da purtar entras ils caschunaders.

### **Art. 25**

Material cumpostabel Tenor pusseivladad endrezza la vischnaunca ina piazza da cumpostar, per curdems cumpostabels che derivan da habitatdis privats, orts e curtins. La vischnaunca sa surschar quella incarica ad ina interpresa privata aschinavon che quella dispona dallas enconuschientschas necessarias.

La vischnaunca incassescha ina taxa commensurada da tutt utilisaders che fan diever dalla piazza publica da cumpostar.

Menaschis forestals, agricols e da horticultura ein obligai da cumpostar lur curdems eifer igl agen menaschi.

## **V. Dismessa da cadavers e curdems da mezca**

### **Art. 26**

Principi  
Ils proprietaris d'animals ein obligai da dismetter ils cadavers en maniera buca nuscheivla tenor las prescripcziuns Federalas e Cantunalas davart la dismessa da cadavers ed il cumbatter malsognas d'animals.

Ils curdems da mezca e confiscats dalla inspecziun da carn vegnan allontanai entras il survetsch da rimnada cantunal. Ils cuosts vegnan reparti denter ils pertuccai tenor las ordinaziuns cantunalas.

### **Art. 27**

Cadavers sut 70 kg  
Cadavers cun ina peisa da meins che 70 kg sco era restonzas da mezca las qualas vegnan buca rimnadas entras il survetsch cantunal eifer ils menaschis pertuccai, ein da deponer el local da rimnada regiunal.

Ils cuosts da menaschi vegnan finanziai entras contribuziuns dalla vischnaunca, dil puresser e dils mazlers.

### **Art. 28**

Cadavers sur 70 kg  
Cadavers d'animals cun ina peisa da pli che 70 kg sto il proprietari semtgar sper via cun avisar immediat l'administraziun communal. Da leu vegn il transport agl indrez d'utilisaziun organisaus entras cantun e vischnaunca. Ils cuosts vegnan reparti tenor las directivas cantunalas.

Leu nua ch'igl ei buca pusseivel d'allontanar ils cadavers cun mieds raschuneivels san quels vegnir satrai. La ruosna sto denton esser silmeins 1.20 m profunda ed astga buca sesanflar en palius ed ella vischinanza d'auas e fontaunas. Ils cuosts porta la vischnaunca. Ils organs communals ein denton dad avisar ordavon.

## **VI. Vehichels, metals e curdems electronics**

### **Art. 29**

Vehichels e restonzas  
Vehichels e maschinas sco era restonzas da vehichels ein da dismetter tenor las prescripcziuns da Cantun e Confederaziun.

Igl ei scumandau da deponer ni da starschar tals rufids sin terren public e privat.

Ils cuosts per la dismessa ein da purtar entras ils caschunaders.

### **Art. 30**

Metals e curdems electronics	Metals e curdems electronics ein da rimnar separadamein.  La vischnaunca procurescha el senn digl art. 13 alinea 3 da questa lescha per ils indrezs da rimnada ed organisescha il transport egl implont da reutilisaziun. Igl ei scumandau da deponer metals e curdems electronics.
------------------------------	--

## **VII. Cass specials**

### **Art. 31**

Medicaments, tassis e colur	Medicaments, tassis, colur sco ulteriuras materias nuscheivlas astgan buca veginir deponi ni deviai en la canalisaziun. Tals curdems ein da returnar als posts da vendita e da dismetter tenor las prescripziuns da Confederaziun e Cantun.
-----------------------------	---

## **D. Determinaziuns finalas**

### **Art. 32**

Quen ulivau	La dismessa ed economisaziun dils rumians sto visar ora in quen ulivau. Ils cuosts da menaschi (senza ils cuosts d'investizjun) ston veginir cuvretgs entras las taxas che veggan pridas en.
-------------	--

### **Art. 33**

Responsabladad	Ils caschunaders da rumians e curdems ein responsabels che las prescripziuns da questa lescha sco era che las prescripziuns surordinadas veggan observadas.
----------------	---

### **Art. 34**

Prescripziuns penales	Tgi che cunterfa sapientivamein ni ord negligentscha a questa lescha ni a prescripziuns che sebasan sin quella, vegin castigiaus dalla suprastonza communalia cun fallonza da tochen
-----------------------	--

frs. 20'000.00. Daventa quei cun intent da gudogn, ei la suprastonza communalia buca ligiada vid igl importo maximal.

Resalvadas restan fallonzas che crodan sut la legislaziun federala ni cantunala.

### **Art. 35**

Regress	La suprastonza communalia sa pretender ch'il caschunader remetti il fatg el stan primar. Dat el buca suatientscha a quei camond enteifer il termin fixau, sa la suprastonza communalia schar exequir las mesiras necessarias sin donn e cuost dil caschunader.
---------	--

### **Art. 36**

Mieds legals	Encunter decisiuns e disposiziuns dalla suprastonza communalia sa vegnir recurriu enteifer 30 dis suenter la communicaziun alla Dertgira administrativa dil cantun Grischun.
--------------	--

### **Art. 37**

Vigur	La lescha presenta ei vegnida acceptada ils ... entras la radunanza da vischuna. Ella passa en vigur igl 1 da schaner 2024.
-------	---

### **Art. 38**

Dissoluziun dil dretg vertent	Cun vigur da questa lescha vegnan tuttas anteriuras prescripziuns, leschas ed ordinaziuns che cunterdian ad ella cassadas.
-------------------------------	--